

容甫先生遺詩題詞

劉台拱



汪中字容甫江都拔貢生博聞強記通知古今才學識三
有以過人為文鉤貫經史鎔鑄漢唐闕麗淵雅卓然自成一家
早歲喜為詩三十以後絕不復作舊稿多散失今錄其僅存者
若干首

卷一

旃蒙作噩

靜夜

周生刻印歌

柔兆閏茂

贈族人對琴

歸耕操

古詩

夜坐

過張明府

秋夜泊馮店

古詩 蒼方立堂緣情感迫多哀怨之音

十疆圍大淵獻

早歲春代李泌建寧王挽辭

呈秦文西巖

峇觀會三首

儀徵講舍老樹歌

旅食

卷二

著雍困敦

劍潭移居

聖恩寺作

偶見

春申里

題畫為吳正書作

相見曲

大堤曲

吳趨行

詠史效左記室

怨詩

白秋海棠

宮怨

趙忠毅東方未明之硯歌為椒園先生作

玉畫叉歌為椒園先生作

客中食蟹作

早發青萍港

野望

白馬

食蘊

古詩

宿上天竺

甘露寺

卷三

屠雍赤奮若

觀魯示所作贈鄭舍人詩高格洪響使人神王昔與舍

人同客江陰追叙遊歷作此卻寄時觀魯亦往江陰

即以送之

平山

明督師史公享堂

邗溝夫差廟

焦山鼎歌

雨中趙州社觀牡丹應方天民作

送姚凌霄赴選凌霄久客臺灣故次首及之

至聖夫子像明世宗時瘞今資福寺後山長沈公培土

為冢垣周之率諸生行舍奠禮恭記

魏椒園先生家園扁豆

寄顧寅初

擬古

不平

酬許掖之兼柬薛藹人

寄弟端光

嘉樹

歲暮

除夕作

卷四

上章攝提格

黃將軍得功飲水銅瓢歌

友人鄭韓城丙子歲夢大雪身卧其中以為不祥俄而其尊公及太夫人相繼歿世因為圖以志哀而中作

是詩

聞陳并因至

重宮詞

梅花

別母

過龍江關

客散

宿龍江

贈黃仲則六首

當塗行

當塗送客

悲落葉

聽鐘鳴

泰伯祠

雜詩四首

重光單閣

細雨

山長沈椒園先生蒙 恩賜幣恭紀

三月二十一日夜和仲則

代白紵詞二首

七夕采石登太白樓題壁留示仲則

傷心曲

吾生三首

元默執徐

懷晚芝先生

自君之出矣

所見

采薇子墓

一笑

題友人寒山曉發圖

去杭州留別沈莊士

萬松坪

卷五
關 逢敦牂

宿錢唐江上

秋坪萍

傷楊東木

消息

過常州

送羅綸伽遊漢口

旗蒙協洽

題秋江聽笛圖

贈王生

將赴江寧題所居東軒

九日江上逢儲玉琴昔與玉琴器之劍潭九日集樂善
庵日暮求酒不得黯然而散今忽已十年有悲前事

因作此詩

田家

柔兆涪灘

千里

呈均弼先生

柳塘

著雍閻茂

再呈均弼先生

昭陽單閣

驚峯寺側積水淪連昔與次卿穎田嘗步堤上今重過
其地則二君皆為異物漫作是詩以誌余悲

呈均弼先生

秦淮雜詩四首

白門感舊

著雍渚灘

題洪稚存機聲鐙影圖十二首

昭陽赤奮若

贈別吳白菴

題曾賓谷都轉西溪漁隱圖二首

先君四十以前喜作詩既顯治經術不欲以詩名遂不復作并彙亦散失喜孫錄先君詩非先君志也然人子於先人手澤終身不忘矧為所當盡心者哉喜孫藏沈太守官牘彙每一篇後有先君手錄詩其餘散碎斷落旁行斜上幾不可辨別則先君不自愛惜可知矣乾隆甲寅先君下

世寶應劉端臨先生采輯數十首南昌曾撫部賓谷先生刊於朋舊遺詩伏以先君早年坎坷之境純孝之思悉著於詩詩格上追魏晉下擬唐人吾郡自

國初以來作者數家詩派之正以先君為極喜孫弱冠知讀父書益肆搜羅序次年月都為一編復以投贈先君與先君倡和諸詩釐為一卷附錄於後有為朋舊遺詩所選而此冊未載者以先君自刪不敢有加焉道光八年五月孤喜孫謹識

Blank page with faint bleed-through text from the reverse side.

容甫先生遺詩卷一

旃蒙作噩



靜夜

夕雨西氣清木落戶庭靜啼蛩懷苦心衰草露華冷空牀生夜
寒夢回知漏永欹枕聽鐘鳴昏燈照孤影

周生刻印歌

周生秀而矐刻印通小學印文落紙不可捫觸手軒然起稜角
丹砂萬杵如月明照見鉤心苦鏤琢 國初程穆倩近人丁敬
身周生晚出老更成文彭以後凡三人嚴冬江風寒杖策叩我
門出此八寸冊一一古意存森然清廟列庸器牛鼎山尊寫銘
識扶風石鼓嶧山文脫手淋漓見生氣秦書出土字斑斑魯削
餘痕尚廉利吁嗟古文日淪喪謂是秦斯丈人行豈知卓犖眼

中人猶自同堂相揖讓周生作畫兼有神興來落筆能逼真壯
心空耗千年上無首風塵常苦貧乃知奇技難為用應作東西
南北人
柔兆闍茂
贈族人對琴
燕市黃金舊有臺誰令白首困蒿萊故家文物歸春夢浮世交
情問死灰老去一身常健飯貧餘二子各成材近聞學易通消
息時命悠々未可哀

歸耕操

子壯大兮母病羸老不得養兮何以生子為日昭々兮我心悲
古詩

炎州榮橘樹華實共威蕤秋風發奇色綠葉正含滋蹉跎白日

晚霜雪迫前期古香徒自悅獨秀歲寒時空山人不見奈此佳
人姿受命生南國悲君白玉墀

夜坐

倦思轉無夢未息又生心人定警微響燈昏浮半陰夜色度疏
幌涼風傳密林散髮出高閣橫琴懷古音

過張明府

客途仍聚首僧院欵門時暇日宜嘗酒高流各詠詩天清秋樹
迴風定夜鐘遲明月身無事還來看奕棋

秋夜泊馮店

野岸縱橫路山樓斷續更夜寒江月墮夢醒草蟲鳴水宿疲來
往秋心問死生客途衣未授珍重倚門情

古詩荅方立堂緣情感迫多哀怨之音

秋瓜被露井引蔓終不實同天天地生安知我命劣驚風吹野
草寒臯清露結飛蓬懷故根山川渺難越一身苦不保俯仰兩
自失勞生理所安感君心察識落日下平林倦鳥投故枝如何
負同類孤生多受欺黃鵠一失所萬里身安歸遠道未云若卑
栖常自危孤鳴時慕侶中夜有餘哀焉得君子心忠信兩不疑
豫章初萌芽苦蒙霜雪委春風草木滋精氣悲已餒惜茲成物
艱反恨生材美偃卷猶力爭委心固所恥日夕牛羊歸旁皇不
能已

疆圉大淵獻

代李泌建寧王挽辭 并序

唐建寧王倓既以讒死大歷三年加謚承天皇帝遣使迎喪彭原既至城門喪輜不動代宗謂李泌曰豈

有恨耶卿往祭之以白朕意且君及知倓艱難定策者泌為挽辭二解追述倓志命挽士唱泌因進酌輜乃行觀者皆為泣下今泌集亡其辭為補之云爾

出延津兮涉渭波塵冥兮今日不華我馬西兮又以北薶朱輪兮血出漉天命在兮二京復二京復兮嘻乎吾不見父生我而死之兮又何怨萬乘安兮心所善

靈之餒兮翔彭原望周京兮蔽以山奉君往兮獨後還悼著軌兮過城陌候銅龍兮安可得鬱蒼兮建陵柏

呈秦大西巖

中也毀齒不見父父友平生心所識相從夙夕上君堂風雨城南路不隔短衣曳地學周旋歷歷門庭記行迹春風移酒到林亭高閣燈紅露氣清負劍殷勤席未坐相呼猶道乳兒名永夕

漢陽集卷之六
歡娛苦不足高歌屢舞更相屬卷簾涼月下庭柯絲管驚心悲
夜促滿堂脉脉醉更衣我倦蒙頭就懷宿一朝失怙可憐人骨
肉生分各自全不教富貴致身早忍使艱難累老親親交一飯
動微色長揖出門心斷絕山澤天寒草實盡冰霜歲晚葛衣裂
十八年中萬死身今日生成轉嗚咽世事消磨氣漸平風塵苦
受俗人輕一劍防身報知己十年落魄未成名豈有千金重然
諾強將懷抱向人傾草色沈沈宿烟霽奉手重過舊遊地一時
賓從盡依然回首疑逢夢中事歡游不見生我人厚地天高永
相棄丈人愛才古所無天下之士為楷模故人子弟今牢落負
米猶能讀父書

荅觀魯三首

崇蘭泣秋渚顛氣澄幽越美人折其榮光風坐怡悅繁霜一夜

零仰見浮雲沒良辰不寓賞曠世情誰覈燕婉在一時素心徒
自結歲暮不可持坐恐芳華歇

水波潛蚪出風逆翔鴻偃恣君耳目娛神物逝已遠素心諒不
欺憂至一朝踐衆女媿朱顏孤美詎云免謙柔得自持華色自
難損日夕謝光榮思君徒晚晚

駕言涉溱洧春女厲哀音絲竹滿清夜歡娛非我心十年泛海
上寂寞託瑤琴豈伊和者寡大雅自茲沉棄置亦云已吾生終
自任孤鳴迷衆耳感激尚懷音雲中有黃鵠矯首願棲尋

儀徵講舍老樹歌

百年老樹何人植特立童童精舍側近根六月覆秋陰頂到千
重浮翠色老鸛號風柯稍振黑螳避雨根先濕霜皮四裂挾龍
鱗鐵幹孤撐露蛟脊高空冥合蒼天氣盤固深滋厚地力豈謂

生成屬不材高山大澤似君稀棟梁有用終相待斤斧如尋更
不辭堅心自受冰霜積秀氣猶含霧露滋莫忘科頭踏樹下清
風滿院讀書時

旅食

旅食秋江上浮生已二毛畏讒多禮數居賤習憂勞野性存麋
鹿機心對桔槔百年將毋計未敢託名高

容甫先生遺詩卷二

著雍困敦

劔潭移居

身世飄零我自嗟十年三見汝移家蒼苔行處水猶滑燕社歸
時日未斜秋雨尚沾鄰院葉春風欲動過門車最憐月出琴停
夜相對寒梅一樹花

聖恩寺作

沿迴積峽啟道路豁平林雲木四邊合烟中清磬音孤亭望無
際明湖澄半陰暖日江梅出遲日春意深亭午暄風散氤氳不
可尋日暮松聲起空山聞鼓琴徒令遠遊客結此幽栖心

偶見

苔堦雪後踐春泥八尺湘簾著地齊白帽袷衫人乍見尊前獨

立鎖修眉

春申里

郢都徙後勢猶強封邑江東見井疆豈謂上書歸質子終思當
國代孱王青山冰雪春流遠地有春喬木歌鐘故里荒回首棘
門無望禍可憐珠履滿君堂

題畫為吳正書作

寒爐香燼燭成灰薄春衫半臂開獨坐沉吟憑綠綺青牛帳
底夢初迴
舊恨陽臺已斷腸舞衣歌版對空牀小蠻去後朝雲老春雨青
燈夜正長

相見曲

相見復相見君心一朝變杯酒定人情身危易恩怨

大堤曲

東風吹江水花開照顏色相思人未歸日暮堤上立

吳趨行

東南入吳趨通門廣且修舟車萬方會夜行晝未休青槐夾大
道白日麗朱樓列肆陳曼衍美女揚清謳橫波醉流轉巧笑心
和柔長裾隨風舒翩身若浮娛樂未云已心悲不可留策馬
上西山高舉望八幽浮雲翳城闕俛見江海流讓國感延陵習
禮思言游斯人不同代望古徒殷憂

詠史傲左記室

呂尚西入周渭上猶盤桓百里去其國飯牛在草間乘時各自
奮功立名不刊脫身屠釣中一舉生民安少壯不用世垂老反
任官年命苟不延後世何所觀高材為人棄貧賤良獨難焉知

天下士一身飢且寒聖賢有不遇自古以為歎

怨詩

皎皎齊紈扇是妾手中織懷此冰雪姿得親君子側屬當歡愛

時豈謂薄寒積一入蛟龍篋思光自此畢願託涼風起不見君

顏色

白秋海棠

淚眼啼烟似有情翩跹粉蝶趁秋晴三更露下涼如水苔院無

人月自明

宮怨

高樹明河隱殿闌風簾不下夜燈殘玉階秋草無行迹坐對三

更白露寒

趙忠毅東方未明之硯歌為椒園先生作

殘月暉暉太白睽睽雞三號更五點此時拜疏擊大奄事成策

汝功不則同汝貶趙公遺硯有此銘清詞壯志使人感維時委

鬼當朝立國猶有人君可格先帝藐孤託老臣臣心不轉如此

石一擊不中豈天意萬死投荒屬臣職餘年幸及大奸除離石

封侯那可得淹留無命待生還異代寶之空手澤我生好古思

古人先生所蓄移我情開匣出硯大如手水巖子石端溪坑谿

回水合土性潤炎風瘴雨凝其精壯士斲山絕山脉以池作月

眼如根天生異物必有用天啟忠臣親手銘滿堂相顧毛髮動

偏人英爽如平生猶餘故物在人世古澤幽姿終不做曾見苦

心憂國時百四十年悲舊事中夜旁皇鬚髮白虛堂恍惚神靈

至裂眦迸血濡墨書石眼淋漓淚猶漬先生有道臣節完進禮

退食義古所難孝思不負閒居拙正氣曾誅既死奸六經手注

不知老此研應歸賢主人翻思夢裡金精下怪石兼疑列星化
江城天際牛斗明夜寒芒正交射

王畫又歌為椒園先生作

先生少從外氏學玉又得自初白翁拊不留手澤可鑑截肪之
色形如弓下安桃竹強名杖挂畫取錢其用銅同當年操几遷
書篋日見摩挲太心劇百年閱歷幾人存古器猶完亦足惜後
生不及並世生老革風流畧可識卷簾霜下夜鐘鳴罷酒傳觀
醉默默回首袁花暮草深得樹樓空夢顏色江城星月照人寒
故物蒼茫見手澤吁嗟乎雙杖之銘亡其詞亦簾如鐵今安歸

詳初白

渭陽送後頭如雪尚咏瓊瑰玉珮詩

客中食蟹作

陂上西風上鉤關巨螯獵帶霜寒清餘白酒香騰屋和入黃

柑汁滿盤早歲魚鹽生物少貧時鰕菜食鮮難老親佐食無兼
味掩淚尊前對晚餐

早發青萍港

日出江霧明餘寒散林薄重陰冒遠川悲風靜幽壑山青雲暖
暖草白霜漠漠宿莽下飢禽狀流聚漂籜昏曉異栖屯心物共
淪鑠早懷一飯恩終棄百金諾功名久未立義故將焉託傷哉
吸菽歡生涯思負郭

野望

西山朝旭隱高城城下清霜百草平沙岸風迴江鳥墮松林雪
霽寺樓明澤水乍合魚猶上磽土方堅麥未生病後心懷自知
少負薪終日逐人行

白鳥

因緣幸出世水草屬前身飽食無多欲微軀易困人空檐喧夜市古壁動凝塵消息涼風早浮生太苦辛

古詩

孤鳥雲際游感君慕高義千里遠託身苦言精力做烈風吹菁林月黑夜如晦東西咫尺迷倏忽兩相棄樞梁豈不悅因緣恥自致委心託君宇羽毛日焦悴孤鴻樂中野衆鳥憎氣類衆鳥自先榮孤鴻安足忌

食菹

早秋嘗旨蓄數莖味猶正酸醎歷四時終成歲寒性

示僕

同生非有屬因勢遂相役百年詎自免念此罕苛責貧居累人事早作暮未息天寒井爨苦一飽愧安食貴賤各有謀相爭盡

智力嘆彼勞人心無營覺爾適

宿上天竺

倦遊情未極改轍方遵麓涓涓石瀨淺裊裊梯逕曲松聲雜魚梵暝色歸樵牧空翠綠目生孤雲共人宿山月翳寒樹風泉靜修竹旅夢戀宵燈羈心向晨旭天清光始霽巖深氣猶肅疊嶺霧霏霏疏林風穆穆往返迹未淹栖尋日苦促徒抱憂生嗟茲途幾投足

甘露寺

北固巉巖勢如削怒搏滄江勢欲落洪波觸山飛雨來山根晝夜鳴風雷孤亭直上萬木杪清江白日無氛埃中流砰訇兩山動翠屏金碧當空開飛鳶跼不到地側身縹渺心為摧長風浩奔扶桑浮天海氣青茫茫魚龍物怪那可測陰陽百變分

光芒霸圖龍戰安在哉登高遠望使人哀今人還蹈古人地古
人白骨生青苔蘇公米公不可見後世無人知我來

[Faint bleed-through text from the reverse side of the page, including characters like '光', '骨', '生', '青', '苔', '蘇', '公', '米', '公', '不', '可', '見', '後', '世', '無', '人', '知', '我', '來']

容甫先生遺詩卷三

屠雍赤奮若

觀魯示所作贈鄭舍人詩高格洪響使人神王昔與舍

人同客江陰追叙遊歷作此卻寄時觀魯亦往江陰

即以送之

我昔孟冬渡江去江漲四落崖生稜舍人開篋示我詩入手但

覺雲霞蒸中流叩舷誦石鼓力與水勢爭吟嚼暮投山店四肢

惰山閣憑空見星火絕壁雲陰脚下生徹夜江聲枕邊過月落

聞馬嘶門外風色寒霜清萬木秀霽景明林端紆迴七十里下

見漕河乾練湖草動北風起白塔珠樓照湖水黃沙撲面人卻

行車輪格官路平寒天日落四山紫疲馬向城時一鳴江陰

古寺遇人寡雙柏婆娑雪霑灑天風振柯龍自吟佛殿陰夜

飄瓦興來著屐君山巔側身四望心茫然日光海氣伏不動時
見空中生紫烟當時相樂自如此別來蹤跡東西水故人身直
承明廬石室三年讀秘書豈是文章貴敏疾高文典冊用相如
吾兄今詩伯長歌動光彩鼓柁東南征所見足吁駭胸中五嶽
起未平更賦高邱望遠海雲間下土猶存五嶽外
平山山下路寒食有炊烟歌管停春社樵蘇向墓田賦詩金谷
宴修禊永和年舊日經行地風流在眼前

明督師史公享堂

故明丞相有祠堂亂後衣冠此地藏官府武侯猶拜表江淮信
國自勤王曲城車馬通神道瘠土松杉接戰場異代褒忠逢
聖主詔書史法兩輝光

邦溝夫差廟

吳王舊廟蜀山陂溝水東流繞殿基春社神平時擊鼓好風買
舶互揚旗侈心齊晉終亡國遺利江淮合薦祠可憶姑蘇臺水
樂青山歌舞對西施

焦山鼎歌

三代法物今尚存太學石鼓焦山鼎四圍刻作雲雷形光澤照
人清耿耿其上有耳下有足古人既亡不可省古人歎識九十
三下視孔悝非其等王曰世惠惟女賢錫女器服由史端世惠
作禹享列祖煌煌策命載天府同時若有吉甫誦豈異韓侯召
公虎千年神物化不盡遂使元英陳大呂朱霞照水日西落閃
映丹砂色噴薄土花隱起暈青翠石壁雲嵐靜交氣清江月出
光滿堂掣雷驚蛟見銘字汾陰泗水各有祠寶玉大弓為盜資

當年鑄此象百物神姦恨不圖分宜焦山百里限風水深巖幽
怪藏瓌奇浮雲全景望不見為君作此寶鼎詩

雨中趙州社觀牡丹應方天民作

江干飛雨暗騰騰初地花開艷不勝欲舞自隨風力轉似啼猶
見眼波澄一簾香氣凝春霧五夜霞光對佛燈惆悵東林高會
日閉門心迹我如僧
送姚凌霄赴選凌霄久客臺灣故次首及之
五月燕山別盤桓惜累旬素心忘世味黃綬屈詩人道貌修髯
美交情絮語真國恩存一命珍重答斯民
行間誇結束往事喜論兵走險初驚鹿成圍未剪鯨戈船波欲
震夜火語猶腥邈矣珠崖郡無因問賈生

至聖夫子像明世宗時瘞今資福寺後山長沈公培土

為冢垣周之率諸生行舍奠禮恭記

澤宮既穆卜東徙得軒敞衮衣肅天表夏屋封吉壤太牢缺命
祀有司亡簿掌百年蔭喬木地靈見滋長牛羊不敢踐風雨蔽
塵坱師儒坐膠序秀士列州黨豈念魯城北習禮時一上先生
秉至教正學距羣枉來嗣臨川席猶見杏壇丈出遊過佛寺瞻
拜心愴恍束脩解中官物惜公帑尚行夫子志馬鬣存規倣築
墻對四周貞石立高榜遠山靄青翠秋氣浮沆碭竹樹交城阿
雲日共駘蕩釋奠羞牲魚旨酒薦尊盎樂備六佾舞禮簡罷尸
象斯文當在茲庶幾精意享聖人不可作威儀感夢想法由畫
圖變制作佛老攘詔書始元豐郡國畫塑像遷廟禮既成夾室
藏可仿魯人觀禮器墓祭自疇曩擅弓言物始斯道固宜廣賢
者在人國舉措為世仰一言預名教竭力務培養况復神所依

祀典通肱響肅對在天靈森然動精爽忍見陵谷移嗚呼委榛
莽中也陪執事於心勞嚮往車服展遺物金石聆幽響肅觀典
禮盛忠敬非外強作歌告後世用配而庶饗

東坡文 餽椒園先生家園扁豆

學圃關心十畝閭豆苗九月未凋殘西風滿架開花密白露中
宵墮葉寒老母閒居曾手植先生晚食好加餐杖藜春韭山家
味多媿投身在玉盤

東坡文 寄顧寅初

舊友何人在高懷顧阿瑛風塵容倦客尊酒見平生親有童孫
樂詩兼道骨清草堂江上棹應識隱居情

擬古

十五盧家婦深居酒市旁曲成能教弟繡罷只依娘過門聽步

僻隔幙想飄香寧知難一見愛惜為王昌

不平

九折行山自不平蝸牛蠻觸苦相爭女蘿抱秀樹應騰秀木槿
開花正向榮習舞諒須長袞好汲泉誰問在山清更憐負子挑
蟲苦化作蜉蝣又一生

酬許掖之兼東薛藹人

望屋飢驅愴客懷分金高義古人偕知君歲晚貧如洗歎我窮
途衆不諧雪夜孤燈安旅宿春盤生菜坐蕭齋同時薛復應難
得乞米殷勤為拔釵

寄弟端光

白華秀空谷孝子心苦悲幸逮百年養食貧常阻飢決辰被淋
雨道路人迹稀子無一金產何以自支持立身苟不媿貴賤同

所歸有才不世用
天命安可知
吾生方多憂
相見未有期
愛子千金身
令名無已時

嘉樹

嘉樹挺秀色
深山交返陰
朔風一以至
蕭瑟傳遠音
豈畏歲時晚
幽獨垂空林
但恐春華發
無復霜雪心

歲暮

寒風剪歲交
除深巷人來
轍迹疎雪後
汲泉朝祀竈
燈前藉草夜
繙書名心未
盡因謀食
世議方寬足
遂初好是臨
邛長作客
得教壁立似
相如

除夕作

李冬北風勁
朝日下地白
在賤多隱憂
歲盡人事迫
鑿冰持作糜
朝炊不及夕
明知禮數簡
所過皆削迹
端居對古人
揖讓展

墳籍高言王霸略
衣食苦無策
落魄媿清時
困窮非所惜
旁皇四海中
一身將何適
素志悲伐檀
陟此傷行役
出處俱違心
親交苦不悉

人生事親日一往不復反如何百年身及此妖夢踐豈伊五行
 失咎徵應災沴天監孝子心先事告其變故物滿眼在逝者日
 是詩
 其尊公及太夫人相繼沒世因為圖以志哀而中作
 友人鄭韓城丙子歲夢大雪身卧其中以為不祥俄而
 靈此時篝火叢祠下神物終宵鏗有聲

容甫先生遺詩卷四

上章攝提格

黃將軍得功飲水銅瓢歌

將軍藁葬方山麓

墓在儀徵方山

宰樹風彫碣無字雲旗犀甲飛作塵

猶有銅瓢鎮初地因思上馬勢如鷗霹靂一呼皆盡裂銅花繡

水生朱殷滲入星，口中血江天暮雨鮫氣腥陰風颯，翔羣

靈此時篝火叢祠下神物終宵鏗有聲

友人鄭韓城丙子歲夢大雪身卧其中以為不祥俄而

其尊公及太夫人相繼沒世因為圖以志哀而中作

是詩

人生事親日一往不復反如何百年身及此妖夢踐豈伊五行

失咎徵應災沴天監孝子心先事告其變故物滿眼在逝者日

已遠溫清思寢門體魄痛甫寤年康養不逮身蹟名未顯平生
如昨日悲來不可遣作圖尺幅上流涕目開展持此終身慕用
荅劬勞願白雲太行道風雨梁山緬悲心同一發大人志推行
能事媿追促多憂日展轉天雨道少人日中過君飯寫此危苦
詞為廢蓼莪卷

聞陳并困至

貧賤吾猶在關心舊友來浮生愧知己渴意苦憐才書策思同
席湖山對舉杯三年奔走倦今得笑顏開

宮詞

曉露侵簾濕春日上階遲自調鸚鵡語花下立多時

梅花

孤館寒梅發春風欵、來故園花落盡江上一枝開

別母

細雨春燈夜欲分白頭閒坐話艱辛出門便是天涯別明日思
親夢裡人

過龍江關

井邑千家夾岸喧浮橋列檝望關門魚鹽近世商人喜鼓吹臨
江權吏尊春水蛟龍浮舊窟夕陽烏鵲下荒村華衣綠使鬚眉
老會計雄心長子孫

客散

客散虛堂靜風簾倦不鉤松篁明夜月枕簟入清秋親老兼多
病身孤更遠遊未應中宿鳥相對尚啁啾

宿龍江

孤客龍江上鄉心一夜生疎星漁舍火寒雨成樓更野曠秋衾

冷牕虛水氣明不眠時起舞無意聽雞鳴

贈黃仲則六首

自余習文翰高謝同時流次卿既天枉

魏題

哲兄悲遠遊

夢旂字觀

魯長嘯宇宙間萬物同悠悠常恐朝露期斯人不可求

落拓吾何慙餘生見英物忘言溫雪交作合郢人質歡娛未云

晚相期在華髮鬱。上崇臺俯見平野濶白日動江光浮雲向

空沒長揖對青山懷古涕如雪

早孤感同病心期樂疏曠各懷萬里心高視重雲上長途未及

展白雲聊孤倡相對一賞音信宿已興謗已矣吾生窮飛騰竟

何望

鹿馬無定形白黑隨轉移况此磊落人心跡難自持高才世不

容孤立尚相疑衆中獨見親謠詠固其宜素心苟不愧人言亦

何為傷茲不肖身波累并朋知勞生無百年多難使人悲

飛雨江上來春鳩鳴我軒開尊列華燭四座多歡言蹉跎異鄉

樂各道平生親賓客徒滿堂不見所思人披衣臨前除夜坐常

及晨高歌對尊酒誰知傷我神

黃金不可鑄榮名非吾寶傾心託友生邂逅願終好一室尚離

羣江湖况遠道分手知前期後會慮難保及此同時居相見常

苦少悔予求友心忱憂為爾老

當塗行

去年江水漲田舍盡漂沒民生各相棄城市半空閉食草不留

根掘山類成穴露宿迫窮冬北風凍膚裂嚴冬搏飢火冰炭內

潛結盛夏萬竅開霧濕上蒸熱淫雨包積陰驕陽固不泄是時

珍氣作摩空在傾軋或香如炊飯或星如喋血所入至微密所

漢陽集卷之八
觸卽危隄纍。行國中。人鬼存。殃歿平生金玉身。一病等蠛蠓。自非遘天灾。生命未應絕。始知泉下人。百年多枉折。輾轉達深秋。餘厲猶未歇。野哭反無聲。不死亦殘茶。哀哉此土民。際茲厄運烈。世世遞生成。一旦忽灰滅。焉知造物心。反正有肅殺。高歌續天問。嘆息達明發。

當途送客

江湖沒青草。沙明聚如雪。客路送歸人。分手惜將別。高才用沈默。戲謔謝羣悅。傷哉負米心。愛爾白華絮。今夕臨高軒。相思祇惜結。

悲落葉

悲落葉。落葉如轉蓬。朝在嘉樹上。暮歸宿莽中。舊心向秋盡。無復怨西風。風吹漂忽安。所極高。下。不可擇。春至復青青。

青非故枝。同生一朝。弃終無相見時。

聽鐘鳴

聽鐘鳴。鐘鳴何時息。風定忽一停。漏盡如更急。青燈熒。羅幔卷。秋衾卧。病夜輾轉憂。生來日促。思親故鄉遠。不寐聽鐘鳴。淒復清聲。數已盡。秋天猶未明。

秦伯祠

賢親讓天下。開國治周禮。墨胎悲伯夷。朝鮮尊箕子。勾吳已亡國。至德終不餒。

雜詩四首

羣居共晨夕。志好同衣衾。豈知歡愛日。終非可恃心。長路無停軌。江河阻且深。夙昔遠遊志。徘徊空至今。孤鳳息池潢。翠羽含風弱。中達荆枳生。露下桐華落。長閔丹山。

采僊仰爭餘咏本無千仞翔不敢怨啁雀
零露漸野草湛朝欲晞日出城隅路清風吹我衣
窈窕秦川女厭浥獨行時朱顏發光澤灼映晨暉
徒懷抱柱信相逢終自疑不惜千金珮何因通我
辭寸心一不諒枉負桑中期
鶴脰不可斷鳧脰不可續物性有自然何為苦羈束
雲泉自高下魚鳥翩相逐本無百年命安危同所欲
棲遊非一途微生各自足

初日照高樓飛軒交綺疏佳人挾鳴瑟當戶斂華裾
坐惜傾城貌十年常獨居悲風激幽響行路立踟躕
不為感人耳清歌聊自娛

重光草閣

細雨

細雨打蓬雨轉急依沙繫纜江氣腥沙崩險絕不可上
脚底水石礧相爭天昏地曠絕聞見孤客失路愁屏營
寒叢出火夜投宿入門老嫠兼孤嬰曼然四顧但一室
蹤跡人鬼疑難憑菜羹麥飯各冰冷飢腸內熱癡蠅鳴
欹斜竹柵卧踏地江風燐火吹熒熒水蟲毒蠶共高枕
草頭雨落珠璣明人生到此百慮息雖無噩夢魂屢驚
天明出屋始得路沙禽蒲柳相逢迎開帆打鼓一長嘯
青山空翠隨人行晴天曠望更清絕朱霞明滅朝烟生
百年憂樂會如許此心坎坎坷何由平佯狂罵坐自平日
豈知性命鴻毛輕

山長沈椒園先生蒙恩賜幣恭紀

內官宣命早上幣出彤闈猶見封題濕爭看拜舞歸七襄
天女製一品老臣衣圖入香山會光榮有賜緋

三月二十一日夜和仲則

叢薄風生牕浙浙夜火欲盡作青色病客獨坐毛髮立鬼適何
來大相偈颯然雨落林鳥嘯空堂曳履行來遲終日作索心然
疑天明向壁塊然外與汝相守能幾時

代白紵詞

開帷織行且却輕腰細步風前弱玉腕凝香素綃薄蒲桃金
危為君酌朱顏暈酒日生光橫波送笑流滿堂善知人意樂無
方金環散珮明月璫曼歌掩袂迴人腸百年今日安可忘
長槐青桂華碧清江月出歌管急四座沉吟意繇脉紅燭參
差倚寶瑟迴袞風生動薌澤芙蓉露落沾人衣勸君深杯君勿
辭五更漏促城烏嘯明日相思君不知

七夕采石登太白樓題壁留示仲則

李白乘舟弄月地秋江見底石粼粼青天明月不改色今日登
樓無此人百年相樂得幾日咫尺東西各心結君見題詩問故
人飄若浮雲已先發

傷心曲

陰、虛室光落、踈鐘節望逐浮雲遠嘯共寒蟬咽入夢尚餘
歡分手未疑訣欲知枕上心熒、淚如血

吾生三首

吾生應有命身世兩相違客路中江遠鄉心北雁稀聽歌翻灑
淚入夢暫如歸為憶臨行日心傷篋裏衣

心計長如夜思親枕未安寄居時見迫衰序早知寒女手謀生
拙貧交仰食難尚憐遊子意書到屢相寬

孤露惟依母漂零正苦貧勞生筋力盡暮景笑嘯真親戚皆他

縣扶持止一身白頭空有子終歲走風塵

元默執徐

懷晚芝先生

中事晚芝先生二年至教無隱實啟蒙心以中孤貧
有母尤愛憐之勉周其不足慰其無依藹然仁風之
被萬物也先生歸里中窮窘百端深宵展轉乃作此
詩古人所以有感知已賦也

羈貧心易悲世故多所虞大人能博愛善氣時以濡慰恤及私
隱始願恒見逾寵積不自異勢去乃日孤親愛已忠竭它人焉
足圖窮居念思遇始覺平生殊謀身爭一髮造命在斯須已盡
生人苦反惜不肖軀江湖向南望思心與涕俱

自君之出矣

自君之出矣不復理元髮思君如轆轤轉、何時歇

所見

夾轂相逢狹路間禪衣水佩見姍姍月明莫唱明妃曲絕塞歸
來尚玉顏

采薇子墓

長嘯軒轅臺清風天地肅悠、土室心餘生托柔菽幽扃百年
闕秀氣函冰玉何人采逸詩風期緬孤竹

一笑

一笑謀生拙夷途聚百憂命應逢殼弩心不怒虛舟落迫多清
議狂名有下流由來伐檀者非是為恩讎

題友人寒山曉發圖

苦霧初披萬木丹巖霜欲下四山寒天清野曠無人識輸與征

夫徹曉看

去杭州留別沈莊士

江國登樓已浹辰
江山回首重傷神
殘年乞食知何處
異地無交尚累人
夢裏衰容空憶母
病餘短策獨隨身
相思若問生還日
春水南歸有雁賓

萬松坪

平臺列松磴
萬木臨迴溪
蒼白雲合俯見羣
峯齋遠陰薄日
午風露轉淒
淒氣交土石
潤冬景秀柔
萋何時布
莞弱杖策坐
丹梯

容甫先生遺詩卷五

關逢敦牂

宿錢唐江上

羅剎江頭桃李春
東風吹雨黯消魂
素車白馬休相問
我亦蘆中喚渡人

秋萍

寒流如鏡碧烟和
貼水青萍出澗阿
影動疎星秋欲曙
風迴落木水生波
潛魚隊散衝無數
古岸潮平聚更多
自是浮生易漂泊
不因霜露怨蹉跎

傷楊東木

馬上相逢記望塵
十年心事合離因
貧曾寄食兼扶病
老向求官遽歿身
子姓同時家欲盡
圖書四散蹟猶新
從今俠氣憑誰

漢陽集卷之四
語江畔孤踪益愴神

消息

消息傳江上風沙滿目昏猶聞一路哭已解萬人屯財賦通吳
會帆檣下海門尚思衣食樂生養累朝恩

過常州

百里延陵問水程西風如舞一舟輕亦知休息終無日尚有昂
藏媿此生雪夜夢回驚犬吠荒天人定畏鷓鳴恰當晚歲飄零
日好助淒涼倦客情

送羅綸加遊漢口

故家文史在儒服尚支持遠別新昏後孤征歲暮時風霜江路
永音信楚天遙君見梅花發還應寄所思

旃蒙協洽

題秋江聽笛圖

露氣蒼涼水氣清亂蘆顛倒一舟橫枯風裂竹秋江上更有何
人聽此聲

贈王生

與君同作他鄉客咫尺天涯歸不得江南二月天氣和節物感
人悲旅食城東古寺行人稀雜樹蒙茸碧草齊長鏡共刷春泥
裂日暮僧房煮笋時

將赴江寧題所居東軒

屋裏圖書作四隣庭前竹樹正三春老親嬌女團圍坐身是天
涯乞食人

九日江上逢儲玉琴昔與玉琴器之劔潭九日集樂善

日暮求酒不得黯然而散今忽已十年有悲前事因

作此詩

城東雙樹記婆娑城上西風動
女蘿落葉無端悲壯士窮途相
聚祇狂歌驚心歲月中年速過眼
雲烟舊恨多今日尊前重握
手扁舟江上奈愁何

田家

門前衆峯秀屋後流泉鳴
山田晚獲美鳥雀多歡聲
兒女滿場圃愛此冬日晴
朝春留過客因識主人情

柔兆渚灘

千里

千里關河七尺身長年逐食走風塵
眼前冠蓋誰容我老去飢寒高累親
智慧不來空拊髀雲山如夢轉淒神
平生皎日心猶作每到窮途媿故人

呈均弼先生

沉綿風誼苦難忘流水行踪過隙光
海外經年勞悵望尊前永日訢淒涼
可能廉吏逢優孟每為傷人念孝章
底事一身須愛惜生涯有盡國恩長

柳塘

柳塘春樹漸如絲水際烟生日暝時
最愛長條吹不定畫廊細裊度來遲

著雍閻茂

再呈均弼先生

屈指三年別驚心兩鬢絲風波經海
慣雨露及春滋舉室仍蓬梗勞生比奕
棋此身期報國應不嘆官卑

昭陽單閣

驚峯寺側積水淪連昔與次卿穎田嘗步堤上今重過
其地則二君皆為異物漫作是詩以誌余悲

烟水淒迷顧問津數行高柳傍城闈重來濠上同遊地幾輩尊
前健在身屈指年華猶昨日驚心言笑已前塵吾衰每覺浮生
促歲、還為感逝人

呈均弼先生

江都久唱大馮君飲水清名達至尊六載寓公今守土
先生

戊南來寄帑於省城今兩番申命總殊恩
庚子准捐復道及

分巡江寧即官其地由奏請不身離宿疾仍加健子列賢書更抱孫惟有舊時珠履客

不知何處覓侯門

秦淮雜詩二首

明月東西十度圓車如流水到門前青山黃土人多少燈火笙

歌似去年

憶梅何日下西州一曲清淮五月秋水閣畫簾人獨坐烏篷閣

盡淚雙流

白門感舊

秋來無地不消魂篋裏春衫半有痕到眼雲山隨處好傷心者

舊幾人存扁舟夜雨時聞笛落葉西風獨掩門十載江湖生白

髮華年如水不堪論

著雍涿灘

題洪稚存機聲燈影圖十二首

中年多病久不作詩比至居憂此事遂絕稚存出此

卷索題有傷其事聊作數章以當一哭

偏露遭天罰飢寒仰母慈自經風木痛長廢蓼莪詩

漢陽詩以金書
巖漏知冬盡殘春迫歲荒米盍來日計燈下幾迴腸
織成看滿幅誦久聽終篇未覺寒宵永悠悠十五年
夜長資火力天曉惜膏殘比似吾親苦煎熬漸欲乾
裁到勝衣日長為負米游已知貧賤累仍作別離愁
日短何由愛雲飛且自望百年將母計氣盡是空囊
寡鵠應悲早啣魚忽就枯可憐八九子不及城上烏
衣敝猶餘綫藥寒尚有膏盡人由顧復生我最劬勞
空堂人獨坐微雨夜三更靜想童年事淒涼似隔生
幾經白雲渡渡口水潺潺親年與流水一往俱不還
須眉今老大兒女自團圞惆悵前宵夢依然膝下歡
此情君不忘在昔我曾經歷之傷心事披圖老淚零
昭陽赤奮若

贈別吳白庵

尊酒河干客思沉風霜晚歲惜分襟每談泛梗嗟同命偶撥孤
弦遇賞音薄祿已虛將母志勞生長負課耕心相期各有名山
在極目南天起暮陰

題曾賓谷都轉西溪漁隱圖二首

為愛神仙宅明湖一曲西水雲行處合春樹望中齊魚鳥情雖
狎烟霞路轉迷玉堂明月夜長夢武林溪
未遂歸耕計應無下釣時簡書銷壯歲魚艇負前期良會陳官
閣遐心託畫師尚餘裴迪在追和輞川詩

[Faded bleed-through text from the reverse side of the page]

附錄

飲汪容甫宅

劉玉麐

秋雨破空烟因風蕩為水細草沿堦生微波當戶啟遠歸畏
 蕭颯獨坐傷飢散淒然念故人宛若隔中江投械頃見招我
 友率在彼徑欲往從之不覺折屐齒衝泥就東城主人門外
 俟逕踏秋薜黃風墮蕉花紫虛堂結暝陰飛溜洒窓紙賈董
 富述作盈筍復疊几禮堂既溯源孔壁亦撫美八索逮麟經
 六書竟馬尾遐搜祖龍鞭碑近存皇象體聚米窮亥章執杓
 攷庚启寸筵不厭撞善芳自無昧縱論罔弗諧箱口固足喜
 角中影移屏華鐙烟結苾壺傾蠡卮釀案列攄挾匕盈盞湘
 海蛤堆杆膾河鯉菌首旋斫芝茭根新脫篋盃鬻既充腸好
 言時入耳幸獲飽歡娛彌用傷別仇今日歸廣陵去年客京

漢陽黃氏金書
却出門眈輪蹄入室讎書史獸有蛭蝮蝦杞有樞柳梓不知
知翰鷄鎮不知鉅枉纔過下馬陵儻遇渡河承稍自矜蚊睫
郵免擲路鬼一室肆冥搜三更不遑已月墮林影沉雨滴蛩
聲死昔雨何淒淒今雨何唏唏悲喜豈異心聚散不同軌或
歸自芒山或返自燕市休甫欣與同林宗竟虛鞅同城不共
歡况復隔千里雲興泰山巔雨落潼河湫安得齊挂席惠然
聚于此君請盡一觴我請歌變徵懽情自此深離恨從茲始
送汪容甫之淮陰三首
劉玉麀

烟開江上山日照湖邊樹
檉木發華滋蕉花泣涼露
秋籟空外鳴幽香暗中度
激揚引清謳盜滌驅俗慮
良辰疇勿懷遊子不得顧
季鷹念將歸伯鸞忽又去
草儲宿糧匆治裝具今日
廣陵濤明日孟城路

朝發辭謝埭夕駕指秦郵
漭萬波湧渺孤城浮漁網
葦上來估帆烟際收牛衣
挂疎木雁戶沿寒流何必
巢衛幕始用懷杞憂君披
賈讓策能令支祁愁桃花
絕春漲瓠子歸北流庶知
東閣下乃有濟川舟

君寧重一鄉落天下士但
願毋羣物自然銷衆忌寧
缺茅容雞弗貪蘇李位飢
驅入淮陰所主得馮異禮
讓崇榮名經術結深契高
館籩聲流霜空木葉墜何
處吊韓侯蕭然食同寄

贈汪容甫

鄭虎文

直鉤不釣魚方軌不炙轂
即物具通識遇合以我卜
往蹇悔乃遲慎始保初服
因不失其親乖或承大僂
獨憐可宗者如玉嗟碌所以
獨行士果哉委溝瀆溝瀆
良亦宜親老缺饋

漢陽集卷之五
粥禮食權重輕回面聊自鬻呼則應馬牛與不恥噉蹴準古
奉檄歡斯意可歌哭自從秦漢來阡陌開井牧士鮮祿代耕
求飽難半菽况士賤且多夜光混魚目習輕厭衆器矣辨鵠
與鶩只尺蔽竒士泥塗困匍匐文也少孤貧此味嘗最熟君
况嗟我同感我頻頷感恭聞下 明詔遺書采幽谷經術首
所崇激勸醒迷復君子應時需學也中有祿不干亦不激吾
道惟自淑方今歲將周梅蕊已簇簇春江待君歸天上舟行
速

抱膝吟

東村感舊

晚霞零落晚烟微春樹溟濛春鳥稀記得五年前此地地一江清
月浣花歸

乞食

三月春風吹滿園鶯聲歷亂雀聲喧日長庭院無人到惟有陶
潛欲叩門

重過族弟既清

西風習習織輕寒傍晚依然構宿壇而日不堪忙裡過少年都
似夢中看花塔小立雲生後柳市移來月滿欄別後談言旋忘
却到家竟夕想盤桓

雜咏

披衣出門立寒影入清溝寂寞板橋上蘆花起宿鷗

秋夕憶職民

日落長空淨蕭然晚氣清細看秋月影想見故人情風冷孤燈
亂天高一漢橫此時深樹下漸起唵聲

喜見職民

逾月生離別秋風忽叩門相逢惟一笑欲問已忘言小坐分唵
榻同來看灌園遙知隔溪鳥亦為故人喧

述境

在昔失怙日生年纔七歲孱弱不能行生我遽見背迄今十二
載忽如夢寐阿母年五十衰顏極憔悴目已漸茫茫耳已漸
憤憤齒牙時動搖髮白短如穗霜落無寒衣日落無中饋辛勤
事紡績抱布無人賣有子亦何益坐受虛名累飽煖尚難望顯

揚復何賴飄風起南山烈烈吹蒿蔚

憶昨乞米歸庭堦曝春日上堂見阿母嚮午未得食歌卧草榻
間弱妹立其側枵腹汗如注餓久面轉赤但聞啼啾啾想見心
如熾感此號且呼氣撼聲不出

古詩

鳩鷺擇木悅鷗從之迫逐中野慙其故枝懷肉畏客走伏於野
蒺藜刺人獨宿枕虎黑螿穴壙屨炭以須妖狐含睇失其口珠
野蔓卷結豁谷多風美女暮行迫遇狂童

此書之體裁與前書無異其書作世世珍重

漢書卷之九十四上地理志第八十四上

漢書卷之九十四下地理志第八十四下



古


漢書卷之九十五上地理志第八十五上


漢書卷之九十五下地理志第八十五下

漢書卷之九十六上地理志第八十六上

漢書卷之九十六下地理志第八十六下







漢陽魏氏金書

